

Ո Ր Ո Շ ՈՒ Մ

Ճանապարհային ոստիկանության. վարչական տույժ նշանակելու մասին 26.10.2017թ. թիվ 1706999403 որոշումն անփոփոխ, իսկ վարչական բողոքն առանց բավարարման թողնելու մասին

<<25>> 12 2017թ. 12-11-24657-12/12-11-1593

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Գագիկ Խաչատուրյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Արարատի մարզի Մասիս գյուղի 6-րդ փողոցի 12Ա տան բնակիչ Գագիկ Խաչատուրյանը դիմումով իր անհամաձայնությունն է հայտնել Ճանապարհային ոստիկանության վարչական տույժ նշանակելու մասին 26.10.2017թ. թիվ 1706999403 որոշման վերաբերյալ՝ նշելով, որ իրավախախտումն արձանագրած տեսանյութում առկա չէ 3.27 <<Կանգառն արգելվում է>> ճանապարհային նշանը:

Դիմումի քննարկման և տեղանքի լրացուցիչ ուսումնասիրության արդյունքում պարզվել է, որ դիմումատուին պատկանող տրանսպորտային միջոցը Երևան քաղաքի Աբովյան - Թումանյան փողոցների խաչմերուկի հատվածում տեղակայված է եղել ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշմամբ սահմանված՝ 3.27 <<Կանգառն արգելվում է>> ճանապարհային նշանի ազդման գոտում:

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման համաձայն՝ 3.16, 3.20, 3.22, 3.24 և 3.26 - 3.30 նշանների ազդեցությունը տարածվում է՝ նշանի տեղադրման տեղից մինչև դրանից հետո գտնվող մոտակա խաչմերուկը, իսկ բնակավայրերում, խաչմերուկի բացակայության դեպքում, մինչև բնակավայրի վերջը: Նշանների ազդեցությունը չի ընդհատվում հետադարձի և բաժանարար գոտու խզման, ինչպես նաև ճանապարհների մերձակա տարածքներից ելքի և դաշտային, անտառային և այլ երկրորդական ճանապարհների հատման (հարման) տեղերում, եթե դրանցից առաջ համապատասխան նշաններ տեղադրված չեն:

Ինչ վերաբերում է դիմումատուի կողմից նշված՝ 3.27 <<Կանգառն արգելվում է>> ճանապարհային նշանի առկա չլինելու փաստին, ապա Ճանապարհային ոստիկանության ճանապարհային երթևեկության կազմակերպման հսկողության բաժնի կողմից տրված տեղեկանքի համաձայն՝ Երևան քաղաքի Աբովյան - Թումանյան փողոցների խաչմերուկի հատվածում կատարված ուսումնասիրությունից պարզվել է, որ 3.27 <<Կանգառն արգելվում է>> ճանապարհային նշանը տեղադրված է ստանդարտի պահանջներին համապատասխան և տեսանելի է երթևեկության մասնակիցներին:

Այսպիսով, ակնհայտ է դիմումատուի կողմից **կանգառն արգելված վայրում կանգառ կատարելու փաստերը**, ինչի համար վարչական իրավախախտումների վերաբերյալ ՀՀ օրենսգրքով սահմանված է վարչական պատասխանատվություն:

Ելնելով վերոգրյալից և ղեկավարվելով վարչական իրավախախտումների վերաբերյալ ՀՀ օրենսգրքի 202-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

- 1.Ճանապարհային ոստիկանության վարչական տույժ նշանակելու մասին 26.10.2017թ. թիվ 1706999403 որոշումը թողնել անփոփոխ, իսկ վարչական բողոքն լռանց բավարարման:
- 2.Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
- 3.Սույն որոշման օրինակն ուղարկել Գագիկ Խաչատուրյանին և ճ.ՍՄՀԽԱ կենտրոն



Ե.Կարապետյան